



PANCHIACO ein Königscher / nach dem er mit dem Valboa ein Freundschaft vnd Bündniß gemacht / hat er ihm ein grosse summe Goldts zu Gefäßen vnd Haßbänden zu bereyten geschickt / Aber als er gesehen / daß im außtheilen vnter den Spaniern sich ein Zant vnd Zwispalt erhube / vnd sie einander mit außgeriffen Schwerdtern schlagen wolten / schlug er mit der Faust an die Wage / darinn das Goldt lage / vnd schalt ihren Geitz zornmächtiglich / sprechen / so sie ein groß verlangen vnd begier hetten nach Goldt / wolte er sie an ein Drith vnd Landt führen / in welchem sie dasselbig zum vberflüssigsten finden werden / darnach führt er den Valboam durch ein schweren Weg oben auff die spitze der Berge / dauon er ihm das Mittägige Meer zeiget. Als Valboa wider dannen kommen ist / hat er Panchiacum tauffen vnd Carolum nennen lassen. 23. Cap.